


►Diferente trabao pa conservacion di monumento a cuminsa Pa mei-mei di aña cas historico di famia Henriquez lo ta cla

ORANJESTAD - Ayera a cuminsa cu e trabao grandi di reconstruccion di e cas bieu cu a ser mudá for di pariba di Aruba Bank den caya principal pa e parada di bus principal na Playa. Minister encarga cu asintonan cultural, dr. Lili Beke, kende tabata presente ayera mainta a presencia cu e trabadornan a cuminsa pone dos muraya di cual cada uno ta pisa 48 tonelada. Despues di a pone e murayan na nan sitio, a spuit esaki cu beton pa e por mara promer cu por sigui cu e otro partinan.

E proyecto aki ta uno cu ta wordo realizá conjuntamente cu Aruba Bank, cu a duna su aporte pa conservacion di e

monumento. Director di Aruba Bank Fons Simón a muestra su satisfaccion di por a contribui den un proyecto asina importante pa historia di Aruba y cual ta un proyecto unico den Caribe. Mester remarca cu e Director di Oficina di Monumento, Yvonne Webb, ta biahando awe pa Santo Domingo pa participa den un conferencia di Monumento cu participacion di 24 pais. Na e ocasion aki Aruba lo presentá e proyecto unico aki, caminda un monumento completo ta wordo mudá pa un distancia basta grandi toch y mantiene den su estado original.

Na mesun momento e mandatario a haci un recorrido na e edificionan histórico den



Schelpstraat, caminda trabaoan di restauracion a cuminsá recientemente. E edificio cu ta trahando riba dje caba ta esun di famia Henriquez (edificio geel) y e trabao ta wordo realizá dor di e compania Bohama. E cas di famia Henriquez tin 125 aña bieu.

Banda di dje tin e cas cu tabata di famia Ecury riba cual pronto tambe lo cuminsa cu trabaoan di restauracion, despues cu tur aspecto huridico a keda finalizá.

Tur cos ta planea pa e trabao na ex-cas di famia Henriquez bini cla mei-mei di aña. Su destinacion

no a keda tiná ainda, ya cu tin tres candidato interesa den dje. Unbanco, un oficina di Gobierno y Oficina di Departamento di Relacionnan Exterior. Cas Ecury su destinacion ta cla e ora. E lo bira Museo Nacional. Na e parti dilanti lo construi un plaza cu diferente monumento rond dje. Pa realisa e proyecto aki, ya a cuminsa basha e ex edificio di One Pasa, apesar cu e intencion tabata pa conserve como monumento. Pero e diferente candelanian eyden a pone cu mester a bashé abao.

Foto Debby Kelly

Riba e combinacion di foto por mira Minister dr. Lili Beke, durante su recorrido ayera mainta na dos monumento cu ta situa na Playa hunto cu su delegacion. Trabaonan riba e monumentonan a curinsá pisá e aña'ki.